



Broj: 03/1-50-14-7-39-11/17

Sarajevo, 13. 9. 2017.

PREDMET: Informacija o učešću u radu regionalnog sastanka o temi: „Regionalna saradnja i sigurnost“, Cetinje, 21. i 22.7.2017.

Na Cetinju je 21. i 22. 7. 2017. održan regionalni sastanak o temi: „Regionalna saradnja i sigurnost“.

Regionalni sastanak održan je na poziv Odbora za bezbjednost i odbranu i Delegacije Skupštine Crne Gore u Parlamentarnoj skupštini NATO-a.

U radu regionalnog skupa učestvovali su: Sifet Podžić, predsjedavajući, i Borislav Bojić, zamjenik predsjedavajućeg Zajedničke komisije za odbranu i sigurnost BiH, Nikola Lovrinović, predsjedavajući Delegacije Parlamentarne skupštine BiH u PSNATO-a, i Boško Šiljegović, parlamentarni vojni povjerenik BiH.

Tokom dvodnevnog skupa koji je okupio predsjednike odbora za sigurnost i odbranu Albanije, Bosne i Hercegovine, Hrvatske, Makedonije, Slovenije i Srbije i šefove delegacija parlamentara u PSNATO-a razgovarano je o regionalnoj saradnji, razmijenjena su iskustva u radu te aktivnosti na suprotstavljanju aktualnim sigurnosnim izazovima s kojima se suočavaju zemlje regiona.

Predsjednik Skupštine Crne Gore Ivan Brajović kazao je otvarajući skup da zemlje Zapadnog Balkana treba da imaju istu viziju budućnosti regiona koja podrazumijeva mjesto u EU i NATO-u. Brajović je kao važno istakao jačanje međusobnog razumijevanja i saradnje u regionu, te viziju i vjeru u jedinstvo evropske zajednice u kojoj će, kako je naglasio, mjesto imati svaka država Zapadnog Balkana. Učesnicima skupa obratili su se i potpredsjednik Vlade za politički sistem, unutrašnju i vanjsku politiku i ministar pravde Zoran Pažin, ministar odbrane Crne Gore Predrag Bošković, državni sekretar Ministarstva unutrašnjih poslova i nacionalni kordinator za NATO Dragan Pejanović te Obrad Mišo Stanišić, predsjednik Odbora za bezbjednost i odbranu Skupštine Crne Gore, koji je u svojstvu domaćina ovog skupa zahvalio svim zemljama koje su dodatno dale vjetar u leđa naporima Crne Gore za punopravno članstvo u NATO.

Učesnicima regionalnog skupa obratili su se Sifet Podžić, Nikola Lovrinović i Borislav Bojić. Sifet Podžić je u svom izlaganju naglasio da je nakon regionalne konferencije parlamentarnih

odbora za odbranu i sigurnost zemalja jugoistočne Evrope, koja je održana u Sarajevu početkom juna ove godine, skup na Cetinju prilika za nastavak razmjene mišljenja o brojnim pitanjima kojima se bave ova parlamentarna tijela. Posebno se osvrnuo na prekograničnu saradnju u vrijeme turističke sezone i saradnju u pružanju pomoći tokom elementarnih nepogoda i katastrofa kakve su izazvali požari u Crnoj Gori, Bosni i Hercegovini i Hrvatskoj. Podžić je uputio apel vladama zemalja regiona Zapadnog Balkana da se učine ozbiljniji napori u reguliranju bržeg i operativnijeg prelaska granica u ljetnoj sezoni, jer je to obaveza prema našim građanima i bili bi jako sretni da se ova inicijativa čuje te da je nadležni razmotre jer je sadašnje stanje tokom prelaska granica neodrživo.

Nikola Lovrinović se u svom izlaganju osvrnuo na aktivnosti delegacije PSBiH u PSNATO-a istakavši značaj i poruke s 94.Rose Roth seminara PSNATO-a, održanog krajem marta ove godine u Sarajevu. Pozvao je delegacije iz regiona na daljnje unapređenje međusobne saradnje koja se u proteklom periodu pokazala uspješnom kroz brojne regionalne inicijative, zajednički nastup i susrete. Lovrinović je zatražio i pomoći zemalja iz regiona, članica NATO-a u aktiviranju MAP-a za Bosnu i Hercegovinu istakavši aktuelno stanje u procesu knjiženja vojne imovine. Osvrnuo se i na druge aktivnosti subjekata sektora odbrane i sigurnosti BiH u stvaranju preduslova za početak aktiviranja MAP-a.

Ovo je inače bio prvi regionalni sastanak u ovom formatu nakon prijema Crne Gore u članstvo NATO-a.

Predsjedavajući Zajedničke komisije

Sifet Podžić

Dostavljeno:

- naslovu
- a/a